

nisi in mandatario, cui affectum est beneficium, per concordata Franciae. Quod ipsum, atque fusius tradit idem Rebuffus in *Concordatis Franciae*. tit. de *Mandatis apostolicis*. § *Declarantes*. ¶ *Jure præventionis*. ¶ *Item per collationem*. Garcias, part. IV. de *Beneficiis*, cap. iv. n. 70. allegans insuper Probum c. *Nemo*. n. 32. de *Electio*. in 6. et Corrasum part. I. de *Beneficiis*, cap. vi. ad fin. quibus accedunt Murga, et Pax Jordanus, proxime citandi.

426. *Hæc procedit etiam in concordatis Germaniæ. Saltem loquendo de beneficiis vacantiis in mensibus ordinariorum.* — Resp. II. Hoc ipsum procedere in concordatis Germaniæ, per Nicolaum V. confirmatis, in terminis docet Petrus de Murga tract. de *Beneficiis*, quæst. 3, n. 360 et 282. et Pax Jordanus tom. II. de *Re beneficiar*. lib. X. tit. II. de *Beneficiis affectis*. num. 66. et 67. cum aliis, quos citant. Accedit ratio, ex tenore concordatorum Germaniæ desumpta: in illis quippe Pontifex § 4. expressis verbis declaravit, sibi placere: « quod per quamcumque aliam reservationem, gratiam expectativam, aut aliam dispositionem, sub quacunque verborum forma factam, vel faciendam, » nolit impedire, quominus ordinarii Collatores vacantia in mensibus suis beneficia possint libere conferre: « reservatione, aliave quavis dispositione, auctoritate nostra factis, vel faciendis, non obstantibus quibuscumque. » Si ergo per expressam reservationem, sub quibuscumque verbis factam, vel faciendam, Papa non intendit derogare concordatis Germaniæ; idem, et quidem a fortiori, dicendum de derogatione tacita, qualis solet fieri per appositionem manus pontificiæ. Ponderando præsertim additum ly « aliave quavis dispositione: » atque subiunctam illam dictiunem universalem, « Non obstantibus quibuscumque. » Nam ista dictio comprehendet omnia, et propter suam universalitatem, ad casus etiam improprios trahitur. Barbosa tract. de *Dictionib. usu frequenterib.* dictio. 317. n. 3. et seqq. allegans plurimos alios.

Et hæc quidem loquendo de beneficiis, quæ vacant in mensibus collationi ordinariorum per concordata Germaniæ concessis, videntur certa: nisi forsitan aliquando summus Pontifex de potestate sua absoluta, et urgentibus gravibus causis, expresse vellet derogare quoad hoc concordatis Germaniæ juxta dicenda inferius § 19. n. 537. Alioquin vero

non est verisimile, sanctissimum Patrem voluisse Germanis illudere, promittendo, quod nolit eorum collationes in mensibus, alternis suæ collationi concessis impedire per expressas reservationes; bene tamen per tacitas, seu per appositionem manus suæ, contra reg. 84. jur. in 6. « Cum quid una via prohibetur alicui, ad i^r alia non debet admitti, » cum concordantiis. Majus dubium esse potest de appositione manus Papæ ad beneficia in mensibus pontificiis vacantia, et per sanctissimum, sive ob vitium subreptionis, sive ob inhabilitatem provisi, invalide collata. Unde

427. *An ea etiam procedat in beneficiis, quæ vacant in mensibus pontificiis, ac invalide per Papam collata fuerunt, post lapsum trium mensium?* — Quaritur IV. An etiam loquendo de beneficiis, quæ juxta concordata, præsertim Germaniæ, vacant in mensibus pontificiis, ac per Papam ob vitium subreptionis, vel inhabilitatem provisi, invalide collata fuerunt, casset affectio beneficiorum: adeo, ut appositione manus pontificiæ non obstet, quominus post tempus in concordatis præfixum (puta, post lapsum unius trimestris, loquendo de concordatis Germaniæ) talia beneficia per collatores inferiores licite, ac valide conferri possint? Ratio dubitandi; atque affirmativam tenendi, desumitur imprimis ex auctoritate doctorum. Nam quod in casu, quo Papa mandavit conferri beneficium certæ personæ, et collatio non tenuit, potestas conferendi redeat ad ordinarium; docet Abbas c. *Inter dilectos*. num. 10. de *Excessib. Prælat.* citans Joan. Andream, et Compostellanum. Accedit Rebuffus in *Praxi benefic. de Reservationib. tam generalib. quam speciali*. num. 35. ubi loquens de concordatis Galliae, inquit: « Sed non timur in Francia: nam quamvis Papa apponat manum, semper ordinarius confert, si non valet prima Papæ collatio, nisi in mandatario, cui affectum est beneficium, per concordata Franciae. » et infra n. 38. subiungit: « Sed istæ omnes reservations, et manus appositiones fuere in consilio Basil. sublatæ: et hoc in Gallia servamus, ut non recipiamus reservations, nec manus appositiones, » etc. Quod ipsum repetit idem Rebuffus in tract. concordator. Franciae. tit. de *Mandatis Apostolicis*. § *Declarantes*. ¶ *Jure præventionis*. vers. Item per collationem, dicens, quod per collationem nullam non dicitur Papa prævenire ordinarium quoad hoc, ut collatio ordinarii non valeat obstante collatione per Papam facta, quæ

§ XIV. DE BENEFICIIS AFFECTIS, ET APPPOSITIONE MANUS PAPÆ.

549

nullo modo potest obstare ratione reservatio-
nis, quæ in regno non habet locum, » etc.
Hæc ille, probans inter alia istud a simili ex
eo: quia pariter citatio nulla, non inducit
præventionem, l. *Si pater*. et ibi Glossa c. *Ne
de statu defuncto*. et Glossa ult. in c. *Si plu-
res. de Offic. delegat.* in 6. etc. Quod ipsum
de concordatis Germaniæ, nonnulli alii au-
tores, ac signanter Pax Jordanus, et Murga,
ubi supra, sensisse videntur; eo quod vel
pro se citent Rebuffum, in hoc casu expresse
loquentem; vel saltem absolute doceant, ex
appositione manus Papæ non induci affectio-
nem beneficiorum, quando inde resultaret
præjudicium concordatorum.

428. *Affertur ratio dubitandi, atque senten-
tiam affirmativam tenendi.* — Accedit ratio
desumpta ex tenore concordatorum Germa-
niæ. Siquidem in istis § 4. sic habetur, « Quo-
ties vero aliquo vacante beneficio in januarii
— mensibus, specialiter dispositioni dictæ
Sedis reservatis, non apparuerit infra tres
menses a die notæ vacationis in loco bene-
ficii, quod alicui de illo apostolica auctoritate
provisum fuerit, ex tunc non antea ordinarii,
vel alias, ad quem illius dispositio per-
tinebit, de illo libere disponere poterit. »
Hæc ibi. Atqui stante invaliditate collationis
papalis, ob vitium subreptionis, vel inhabili-
tatem illius, cui facta est, non appareat, fuisse
alicui de tali beneficio provisum auctoritate
apostolica infra tres menses; ergo ex tunc,
vi dictorum concordatorum, potest illud con-
ferri per ordinarium collatorem.

Minor probatur; tum quia collatio invalida,
et nulla æquiparantur; siquidem non refert,
an aliquid non fiat, vel minus bene fiat. »
Glossa in l. *Quoties. ff.* « Qui satis dare co-
gantur. » Simulque ejusmodi collatio inva-
lida, habetur pro infecta, can. *Imperiali*. 25.
q. 2. juncta reg. 64. jur. in 6; tum quia, quod
nullum est, nullum producit effectum, c. *Illud. 8. de Jurepatronat.* Barbosa, Axiomat.
164. n. 1. citans alios; sive per collationem
invalidam, non censemur cuiquam provisum de beneficio. Atqui relata concordata
Germaniæ expresse concedunt collatoribus
ordinariis, conferre beneficia in mensibus
pontificiis vacantia, quando de illis infra tres
menses necdum « provisum fuerit. » Ubi
ponderandum est ly, « Provisum: » nam,
quod in jure « verba cum effectu accipienda
sint, » textus est expressus in c. *Relatum. 4.*
de *Cleric. non resident.* junctis concordantiis
a Glossa ibid. ¶ *Cum effectu; relatis.*

429. *Et respondeatur ad objections.* — Quod
si quis contra hanc sententiam objiciat.
« Omnia, et singula beneficia ecclesiastica, »
per appositionem manus pontificiæ remanent
semper effecta, juxta Extravag. *Ad Romani*.
h. t. inter commun. cujus verba n. 414. re-
feruntur: ergo hoc ipsum procedit de bene-
ficii, quæ vacant in mensibus pontificiis,
juxta concordata Germaniæ, eisque Papa
manum apponit per collationem invalidam:
nam istud convincere videtur dictio illa uni-
versalis, « Omnia et singula beneficia, » etc.
Responderi potest primo, retorquendo argu-
mentum. Quia, si quid probaret data instan-
tia, pariter sequeretur, quod Papa libere, ac
de sua potentia ordinaria, salvisque concor-
dati Germaniæ, possit tacite, sive per solam
appositionem manus suæ, reservare sibi
« omnia, et singula beneficia, » etiam in
mensibus Collatorum inferiorum, puta fe-
bruarii, aprilis, etc. vacantia: idque propter
actionem illam universalem, « Omnia et
singula, » etc. Atqui istud repugnat concor-
dati Germaniæ, juxta dicta n. 426. Respon-
deri potest secundo neg. seq. Quia notissimi
juris est, quod Legi generali (puta, cit. Ex-
travag. *Ad Romani*, h. t.) derogetur per spe-
ciale (puta, per concordata Germaniæ)
hæcque illam limitet, atque distinguit:
nam « in toto jure generi per speciem deroga-
tatur: et illud potissimum habetur, quod ad
speciem directum est; » prout dicitur l. *In
toto jure. ff. de reg. jur. et c. Generi.* eod. in
6. cum concordantis.

Et si ulterius quis objiciat. Quando Papa
nulliter confert beneficium in mensibus sibi
per Regulas Cancellariæ reservatum, ita
afficitur beneficium illud per dictam manus
Papæ appositionem, ut nullus collator ordi-
narius in mensibus subsequentibus possit
istud conferre: beneficium enim semel affec-
tum, semper remanet affectum, cit. Extra-
vag. *Ad Romani*. h. t. inter. commun. Ergo
pariter, si Papa nulliter conferat beneficium
in mense sibi per concordata Germaniæ re-
servato, tale beneficium ob appositionem
manus Papæ manebit semper affectum; sic-
que illud in mensibus subsequentibus, num-
quam poterit per collatorem inferiorem con-
ferri. Responderi poterit, transmissio Antece-
dente, negando consequentiam, et paritatem.
Quia beneficia vacantia in mense pontificio
juxta concordata Germaniæ, sunt reservata
duntaxat ad certum tempus, videlicet ad tri-
mestre: postea enim concedi videtur expressa

collatoribus inferioribus facultas eadem conferendi, conformiter hactenus dictis. E contra vero beneficia vacantia in mense pontificio juxta regulas cancellariae, sunt perpetuo reservata: nullibi enim Papa concedit in eisdem collatori inferiori facultatem, ut possit illa post certum tempus elapsum conferre. Verum his non obstantibus.

430. *Sententia negativa non solum videtur probabilis, sed vera, et in praxi merito tenenda.* — Resp. I. Opposita sententia, vide licet negans, in dicto casu cessare affectio nem beneficiorum ex appositione manus pontificie, juxta concordata Germaniae, non solum videtur probabilis, sed etiam vera, atque in praxi merito retinenda. Ratio fundamentalis desumitur ex saepe cit. Extravag. Ad Romani h. t. inter commun. ubi universaliter habetur, quod « Beneficium semel affectum, semper manet affectum. » Atqui ab hac regula nullibi reperiuntur excepta beneficia, in mensibus pontificis juxta concordata Germaniae vacantia, et per Papam intra trimestre nulliter collata; ergo. Minor, in qua sola potest esse difficultas, probatur refutando singillatim rationes prioris sententiae. Imprimis enim, quantum attinet auctoritatem doctorum, Rebuffus, ubi supra, non facit ad rem: quia non loquitur de concordatis Germaniae, sed de consuetudine Galliae; uti patet ex relatis n. 427. verbis ipsius: « Sed non utimur in Gallia, etc. Et hoc in Gallia servamus, etc. Quæ in regno non habent locum, » etc. Hæc enim consuetudo deinde confirmata fuit per concordata Galliae, teste citato Rebuffo: quod tamen nequit cum fundamento dici de concordatis Germaniae. Unde nec probant Pax Jordanus, et Murga, ubi supra, utpote minus caute seculi Rebuffum: nisi placeat isto intelligere de beneficiis vacantibus in mensibus ordinariorum, juxta dicta n. 425 et 426. nam de aliis expressam mentionem non faciunt. Quod si de aliis quoque beneficiis intelligendi forent, aut quidam alii auctores contrariam sententiam expresse tenerent; opponeretur ipsis stylus Curiæ, atque auctoritas Doctissimorum, et in materia concordatorum Germaniae practicorum virorum Romæ degentium, et pro hac posteriori sententia stantium, juxta dicenda n. 432. ubi simul adducitur declaratio Gregorii Papæ XIII.

431. *Solvuntur contraria.* — Neque urget ratio n. 428. in contrarium allata: negatur enim minor. Ad cuius probationem, seu

quod collatio invalida, et nulla (seu non facta) æquiparentur; et quod collatio invalida, habeatur pro infecta, cum similibus: respondeatur, hujusmodi axiomata non procedere universaliter, seu plures pati limitaciones, atque instantias. Sic quippe, ubi electio ad beneficium vacans intra trimestre, vel respective semestre, nulla fit, devolvitur potestas eligendi ad superiorem: c. *Ne pro defectu.* 41. de *Electio.* et c. *Nulla.* 2. de *Concession.* *Præbend.* cum similibus. Secus, si electio fiat, sed invalide ob occultum viatum, tunc enim habebunt Electores novum tempus ad eligendum, text. clar. c. *Si electio.* 26. de *Electio.* in 6. Similiter, quando nulla præcessit electio, libere potest celebrari electio: secus, quando facta est electio, sed talis, de cuius valore dubitatur; tunc enim non valet posterior electio celebrata ex intervallo, etiamsi prior postmodum declaretur fuisse irrita, et invalida, c. *Auditio.* 29. juncta Glossa ¶. *Irritandum de Election.* Ulterius matrimonium inter consanguineos, vel voto solemni castitatis adstrictos scienter contractum, etsi nulliter ac invalide, ipso facto inducit excommunicationem, Clem. un. de *Consanguinit.* et *affinit.* Secus, si non fiat tale matrimonium. Idemque dicendum de pluribus aliis casibus, in quibus factum invalide, neutiquam æquiparatur non facto; et res invalide gesta, non habetur pro re infecta, immo varias inducit penas, vel inhabilitates, aut alios effectus, v. g. Affectionem beneficii, loquendo quoad casum propositum.

Itaque in forma respondendo ad allata axiomata, opus est distinctione. Quia vel omnimoda paritas intervenit in non facto, et in nulliter seu invalide facto; procedunt præfata axiomata: vel diversa militat ratio in uno, aut altero eorum; et non habent locum. Card. de Luca litt. P. concl. 87. n. 14, post Castrensem, consil. 161. lib. I. et alii. Atqui, quantum attinet ad propositum, diversissima ratio militat inter casum, quo non appareat infra tres menses, et die notæ vacationis in loco beneficii, quod alicui de illo Apostolica auctoritate provisum fuerit: et inter casum, quo appareat, taliter cuiquam provisum fuisse, sed invalide. Hic quippe appareat, Papam apposuisse manum collationi talis beneficii; sicque subintrat dispositio juris communis, c. *Ut nostrum.* 56. de *Appellation.* et c. *Si eo tempore.* 45. de *Electio.* in 6. et cit. Extravag. Ad Romani. h. t. inter

commun. Ibi e contra nullatenus apparet de tali appositione manus pontificie, quinimo constat, talem non esse factam. Unde patet imbecillitas datæ probationis: nam quod argumentum a simili, vel pari, fragile sit, atque infirmum, et prosternatur una adducta dissimilitudine, jam dictum est supra lib. I. tit. II. *De Constitutionibus.* § 16. n. 414.

432. *Eadem sententia confirmatur ex bulla Gregorii XIII, auctoritate practicorum, et stylo Curiæ romanae. Dictio non obstantibus quibuscumque, est universalis. Non refert; an aliquid non fiat, sed minus bene fiat: et quando.* — Accedit constitutio 41. Gregorii XI. que in *Ecclesiam* (et habetur tom. II. *Bullar. roman.*) ubi idem Pontifex § 2. declarat, quod collatores ordinarii Germaniae, virtute concessio nis Nicolai Papæ V. post lapsum trium mensium a die notæ vacationis, non possint conferre beneficia vacantia, vel vacatura, « de quibus intra dictum tempus trium mensium per Romanum Pontificem, ac dictam Sedem (apostolicam) qualiscunque gratia, vel dispositio, aut concessio facta fuerit. » Ubi ponderandum est ly « Qualiscunque: » nam hæc dictio est universalis, atque comprehendit omnem modum (sicque etiam dispositionem Papæ invalidam ob subreptionem, vel inhabitatem impetrantis), non minus, ac dictio illa, Quoquo modo: prout notat Barbosa, tract. *de Dictionib. usufrequent.* Dict. 299. et 300. n. 2. citans alios; atque istud desumet ex l. *Penes. ff. de Verb. signif.* Et hinc mirandum non est, quod in facti contingentia (de qua mihi bene constat) super præsenti quæstione consultus Illustrissimus, et Reverendissimus DD. Columna, decanus Cancellariæ apostolicæ, in favorem hujus posterioris sententiae responderit: quod ipsum senserunt duo primarii advocati Romani, concordatorum Germaniae apprime gnari. Concordant stylus Curiæ Romanæ: nam in allegata facti contingentia, cum Præbendam in mense pontificio vacantem Papa infra trimestre cuiquam contulisset, sed invalide ob canonicum defectum recipientis: non obstante collatione postmodum per inferiorem collatorem alicui alteri facta, et mota desuper lite, Papa eamdem præbendam de nro contulit, et quidem addita ea clausula, quod ipsam nemo præter Romanum Pontificem ea vice conferre potuerit. Quod ipsum in aliis quoque casibus observatum fuisse intellexit, ut proinde de veritate posterioris, seu negativæ sententiae in conclusione con-

DE BENEFICIIS APUD SEDEM APOSTOLICAM SEU IN CURIA VACANTIBUS, ALIISQUE COLLATIONI PAPE SPECIALITER RESERVATIS.

433. *An idem sit, beneficium vacare apud Sedem apostolicam, vel in curia?* Ista solent pro synonymis haberi. — Quæritur I. An idem sit, « Beneficium vacare apud Sedem apostolicam, vel in curia? » Resp. I. Licet vacaciones beneficiorum « apud Sedem apostolicam, et in Curia, » pro synonymis haberi soleant, ac promiscue unum pro alio dici, præsertim in materia reservationum: stricte tamen, ac proprie loquendo, non nihil differunt. Priorem partem tradit Glossa in c. *Statutum.* 3. ¶. *In curia.* h. t. in 6. asserens, quod « idem est dicere, in Curia, quod apud Sedem apostolicam. » Garcias, part. III. de *Beneficiis*, cap. I. n. 68. 69. et seqq. citans plures alios. Card. de Luca post discurs. 100. de *Beneficiis*, seu in *Beneficiorum Summa.* § 4. n. 34. dicens, quod pro synonymis ac omnes vere effectus hujusmodi vacationes « in Curia, et apud Sedem, » haberi soleant; atque simul confundi, præsertim vero quoad effectum reservationis. Gonzalez ad reg. 8. Cancellar. gloss. 13. n. 63. dicens, ita habere communem modum loquendi: et alii. Idque desumitur ex cap. II. de *Præbend.* in 6. ubi Pontifex « Beneficia apud Sedem apostolicam vacantia, » in progressu appellat beneficia in Curia Romana vacantia.

434. *Proprie tamen loquendo differunt: et in quo?* — Alteram vero partem, seu quod proprie loquendo non nihil differant, tradit Ludovic. Gomez in *Regulas Cancellariæ. reg. De triennali possessore*, quæst. 31. circa princip.; Covarruvias, *Practic. quæst.* cap. xxvi. n. 4. vers. Cæterum. Barbosa, part. III. de *Offic.* et potest. episc. allegat. 57. n. 24; Gonzalez cit. gloss. 13. n. 48. et seqq. Engel, h. t. n. 9. et alii. Ratio est: quia latius patet, « Beneficia vacare in Curia, quam vacare apud Sedem, » omnia enim beneficia vacantia apud Sedem, censentur etiam vacare in Curia; non tamen e contra. Siquidem, ut notat Covarruvias, et Gomez, ubi supra, et Bar-